

# ITLF BULLETIN

A Publication of ITLF Media & Publicity Department

VOLUME I-ISSUE NO 31

INDIGENOUS TRIBAL LEADERS' FORUM

TUESDAY 18 JULY 2023

## Public Interaction nei in a um; MLA hai le ITLF leader han report an pek

July 17, 2023 zing tieng dar 11 in YPA GHQ Hall, Hiangtam Lamka ah ITLF keihrouina hnouiah Joint Public Interaction program hmang in a um. Rev. Ruolhlei Pakhuongte in Pathien kuomah hun inhlanna a nei zovin ITLF Steering Committee Chairman Pu Chinngaihpaui in mipui fekhawm hai lawmlutna a neia, Thingtlangmi MLA hai an thawkin Pu Ngursanglur, Pu Chinlunthang le Pu Letzamang haiin report an peka, ITLF anthawkin Pu Muan Tombing, Secretaary ITLF in Delhi inzinna report a pek bawk anih.

MLA hai anthawkin thuhirilna Pu Ngursanglur, Tipaimukh MLA in a nei hmasa a, a hrildan in MLA han Home Minister hma ah eini ta dinga solution pakhat ami siem pek ding ring a um thu a hrila. Mipui hai lungruol taka thangkhwama ei Unity hi ei suksiet naw ani phawt chun Political Solution iemani tak chu a um ding thu hai hrilin mipui a thlamuon anih.

Singat MLA Pu Chinlunthang in Thingtlangmi MLA 10 haiin lungruol taka kal an pen tlang thei na dingin anni sungah Forum pakhat an indin thu mipui hriet dingin puonglangna a nei. 3rd May ni a MLA han buoina an tuokhai an hrila, mipui rawl ngaithla in le mi tamtak consult ani hnungin 12th May in mipui ditna le inzawmin Total Seperation from Manipur demand Guwahati ah MLA han an lo puong dan hai a hrilsa bawk. Ei demand hi Amit Shah kuomah 15th May in an lo peklut dan hai a hrilsa bawk anih. 17th May in BJP President JP Nadda kuomah khawm “Seperate Administration for the Hill people of Manipur” ngenna an lo siem bawk anih. 17th May ni vek hin Aizawl a eini tieng CSO dang dang ITLF, ZC, HI, KIM, COTU, HTC, KCA le a dang dang hai le in hmu khawmna an nei a, hi hun a hin anni MLA han an fepui “Total Seperation from Manipur” an pawmpui dan thu hai a hril. Chuzovah thlakhat June 17th khan YMCA Hall, Greater Noida ah SoO group le CSOs hai le MLA hai meeting an nei nawka, hi hunah hin SoO group khawmin an demand hlui fesan in “Total Seperation from Manipur” an fepui an ta ti thu a hril. Chuleiin, hi taka a inthawkin ei MLA hai khawm nisien, CSO hai khawm nisien, chun ei SoO group han demand pakhat nei in ei thangkhwam

an tah tiin a hril. Manipur Govt anthawkin Show cause notice ei MLA han vawihni lai zet an hmu dan thu hrilin, an ti nawha, an pawisa nawh thu hai a hrilsa bawk. Tuta ei buoina a Mizoram Govt le CSOs hai in an mi thangpui na chungthu ah a lawm thu mipui hma a hril bawk anih. Ei hma a Parliament Session a tan nawk vat ding ani leiin ei buoina le inzawma a mi thangpui tu ding MP tum tum Lobby siemin ei MLA hai an thangkhwam dan hai a hril.’

Chuzovah chun PU Letzamang, Henglep MLA in thuhirilna a nei a, 3rd May a ei SoO group han Territorial Council dingah suoi kei ding an ni zing lai ei buoina leiin suoi kei thei lova an um hi “Divine Intervention” lei anih an tih. Tuhin a tha lem “Total Seperation from Manipur” demand khawm thei in ei um an tah. Ei movement hi iengchen am a aw ding ti ei hriet naw leiin inchukna School hai class 9 chungtieng bek hawng in um sienla , fak le dawn zawng theina ding in ni tamlem hun hawngin um bawk sien a ti thu a hril. Isreal Pathien hring betu hai eini leiin a ma in ral a a mi hne pek ding anih a tih.

ITLF Secretary Muan Tombing in Delhi an inzinna report a pek a. 2nd June zantieng a in hmu dinga NIA, RAW le IB han an ko hnungin Govt tieng in ei ngirhmun khawm an hriet thiem ta thu hai a hril. Tuta Delhi a an inzinna a IB Director Mandeep Singh le Interlocutor AK Mishra le hun sawt tak an hohlimna ah Short term le Long term a thaw thei ding hai hohlim tlangna thu hai a hrila.”Violence should come to an end” ti an ngietna ah, inremna a um hman solution a um ding a nih ti an hril pui a, mi hung attack zing tu Meitei hai khapdei unla violence um ta naw el a tih an ti pek anih. Mithi vuina ding thu, displaced person hai khawsakna ding, govt an thawka ralthuom ei lak dawk hai pekkir ding, lo thaw sunzawm ding le NH hawng ding thu hai govt tieng in an hril anih an tih. Meitei han ralthuom 4000 chuong an lak hai an pek kir vawng hma chu kan pek kir naw ding, asanchu keini kan lak hai khan an mi dona ah inveng dinga kan hmang ve anih tiin an hril pek. Ienglei a Jiribam highway in hawng sia, NH 2 hi in buoipui bek bek am ti zawhna pek an nia, govt tienga dawnna chu “good gesture”

kan dit lei anih an tia. "Good gesture" in lang tir na in man a um mi 5 kan pek souk tah an ti peka, govt tieng pang khawmin an hrietthiem el thu an hril bawk. Long term tieng pang a chu ei political demand hi kan SoO hai le hun sawttak inbiek na in lo nei tah a chuleiin Polital demand chungchangah SoO hai kutah kan pek dawk thu kan hril. Amit Shah in rehabilitation a dinga 101 Crores a puong kha Central govt in an la peksuok naw thu an hril. Govt in nangni tieng ah inremnaw na tamtak a um

ani hi an ti dawnlet na a chun, insung khata khawm unau dang dang an in rem zing nawha, amiruo chu kan demand " Total Seperation from Manipur" a hin kan lung an ruol anih tiin an dawn anih. MTFD hmalakna inpak an um thu a hrila , hmatieng pei a khawm thaw tlang ding tam tak a la um anih tiin a hril. Guwahati a eini mi Welfare dang dang hai le an in hmu na khawm report a peka, eini mi officer lo suokdawk hai in tieng kira, district dang dang hai join nawk ding in genna a siem anih.

**EDITORIAL**

ITLF indinna san chu Lamka district sungah tlangmi hai tuok issue dang dang a hung uma, a hmalatu ding pawl mumal tak a ngir naw leiin hnam hrang hrang han ITLF hi an lo indin tah anih. ITLF hin nomenclature a fe pui nawha, chuleiin tribal ti tawngkam hi hmangin Indegenous Tribal Leaders'Forum an ti anih.

April 19, 2023 khan Public Consultation Meeting Forest Reserve chungchang leh issue dang thenkhat hai ah hma la dingin ITLF in hma la rawse tiin an pawmpui a. Hrietlawk ni der lovin May 3 khan buoina a suok tah leiin ITLF in hma a lak sunzawm pei el tah anih.

Indona hmasuon mek ei ni leiin ITLF in hratnawk zuo la hma a lak thei na dingin hieng department hrang hrang - Finance , Relief , defense, Media, Women, Legal, Planning leh steering committee an din a. Hieng department ah hai hin tribe dang dang , Philanthropic , Student Organization le

mi thahnem ngai hai an thang.

Thlahni vel ei buoi tak hnungah mi tu han amanih langsar tumna leiin "keini hmalakna lei anih" ti tawngkam hriet dinga lo um hai hin midang hmalak ve na a sul lunghnuol thei anih ti hre zingin "Total Sepration from Manipur" ei hmu hma chu a chin a lien tak chenin ram sung a um le ram puotieng a um ei rengin ei theina zawn chita ei thei tawpin ei thaw tlang seng ani hre thar ei tiu. Chuleiin a langsar bik ni hi tum naw bawk ei tiu.

Ei district sungah ITLF in hma a lak si chun ITLF hi thlawp seng inla nuom a um hle anih. ITLF thaw ang zuol a pawl dangin a thaw ve pei hi tha le zung a pama, a that hmemna a tam naw anih. ITLF ei thlawp nuom naw ani khawma, a kal zawnga thaw lova ITLF in hma a lakz o nawna area tamtak um hai a hin thangla lem inla ei movement a dingin a thangkai lem ding anih.

**UPDATE TILL 18 JULY 2023**



**114**  
CONFIRMED DEATHS



**197**  
VILLAGES BURNED



**7000+**  
HOUSES BURNED



**359**  
CHURCHES BURNED



**41425**  
DISPLACED PERSONS



**204**  
RELIEF CAMPS

**RELIEF SUPPORT**

Office: ITLF Secretariat, Hiangtam Lamka

**Contacts:**

Mangcha Thangzom – 6909163082 (Convenor)

V. Gouthianmuan - 9862086583 (Co-Convenor)

**FINANCIAL SUPPORT**

Office: ITLF Secretariat, Hiangtam Lamka

**ITLF Joint Bank Account:**

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch